

Direktor preduzeća

Broj:101-1380-3/25 ME

Datum: 03.02.2025. godine

Na osnovu člana 26. i 27. Statuta Javnog preduzeća „Vodovod i kanalizacija“ d.o.o. Zenica, u skladu sa Pravilnikom o postupku prodaje pokretnih stvari putem licitacije Javnog preduzeća „Vodovod i kanalizacija“ d.o.o. Zenica, broj: 101- 13782/23AB od 29.11.2023.godine, te uzimajući u obzir Izvještaj Komisije za provođenje licitacije, broj: 403-1380/25MS od 31.01.2025.godine, direktor JP „ViK“ d.o.o. Zenica, donosi

## **ODLUKU**

### **o usvajanju Izvještaja i preporuke, broj: 403-1380/25MS od 31.01.2025.godine**

#### **I**

Usvaja se Izvještaj i preporuka Komisije za provođenje licitacije, broj: 403-1380/25MS od 31.01.2025.godine za prodaju teretnog vozila RENAULT CLIO BB, FURGON, te se istovremeno predmetno vozilo prodaje ponuđaču „Giba-trade“ d.o.o. Sarajevo, sa sjedištem u Sarajevu, po cijeni od 3.656,50KM (bez PDV-a).

#### **II**

Zadužuje se Služba za kadrovske i opšte poslove da, u skladu sa zakonskim odredbama, izradi ugovor o kupoprodaji.

#### **III**

Ova Odluka stupa na snagu danom donošenja.

### **Obrazloženje**

Dana, 10.01.2025.godine, direktor preduzeća je objavio drugu Javnu licitaciju za prodaju otpisanih stalnih sredstava JP „ViK“ d.o.o. Zenica, broj:101-21-1/25AB od 08.01.2025.godine, i ista je objavljena na web stranici Grada Zenica i web stranici Preduzeća. Predmetnom drugom Javnom licitacijom je ponuđena prodaja sljedećih vozila: tereno vozilo VW CADDY 2K, teretno vozilo VW CRAFTER 30 i teretno vozilo RENAULT CLIO bb furgon.

Na osnovu rješenja broj: 101-21-2/25 od 08.01.2025. godine i izmjene Rješenja broj: 101-21-3/25AB od 30.01.2025. godine, direktor Javnog preduzeća „Vodovod i kanalizacija“ d.o.o. Zenica je imenovao Komisiju za provođenje licitacije, u sastavu kako slijedi:

1. Salkić Mubina, predsjednik
2. Mulahalilović Haris, član
3. Sivac Samra, član.

U tekstu objavljene javne licitacije propisano je da zainteresovani ponuđači svoje ponude mogu dostaviti do 30.01.2025.godine do 12:00h na protokol JP „ViK“ d.o.o. Zenica.

Na protokol JP „ViK“ d.o.o. Zenica je, zaključno sa 30.01.2025.godine, zaprimljeno ukupno 21 ponuda.

Dana, 30.01.2025.godine u prisustvu ponuđača Komisija je otvorila pristigle ponude, i konstatovala da su sve prijave formalno pravno ispravne, te u skladu s Pravilnikom o postupku prodaje pokretnih stvari putem licitacije Javnog preduzeća „Vodovod i kanalizacija“ d.o.o. Zenica, broj: 101- 13782/23AB od 29.11.2023.godine započela postupak licitacije.

Komisija je upoznala prisutne o načinu provođenja licitacije, u okviru čega su prisutni bili upoznati s rasponima propisanim za promjenu cijena prilikom licitiranja i to procentualno od 1-10% od najveće aktuelne cijene. Također su upoznati da je za konkretnu licitaciju čija je početna cijena 2.800,00KM propisan procenat od minimalno 3% u odnosu na najvišu aktuelnu cijenu.

Komisija je javno pročitala početnu cijenu utvrđenu Javnom licitacijom, nakon čega je evidentirala i pročitala početne ponuđene cijene, kako slijedi:

Redni broj	Naziv ponuđača	Ukupna početna cijena ponude bez PDV-a (u KM)
1	Ganibegović Muhamed	3.550,00
2	Jadran-com d.o.o.	2.820,00
3	Adnan Čakal	2.800,00
4	Aleksandar Živanović	2.821,00
5	Simo Živanović	2.821,00
6	AN KOMERC	2.822,00
7	Habibović Đevad	2.810,00
8	Dejan Jović	2.875,00
9	Halilčević Narcisa	2.806,00
10	Halilčević Ademir	2.805,00
11	Ibrahimović Ibrahim	2.810,00
12	Ibrahimović Ismir	2.801,00
13	Vuleta Branko	2.800,00
14	Budiša Milenko	2.800,00
15	Gibanica Mustafa	2.805,00
16	Granulo Adis	2.810,00
17	Mičić Gordana	2.800,00
18	Bajrić Amar	2.800,00
19	Mičić Veljko	2.800,00
20	Giba-trade d.o.o.	2.806,00
21	Radanović Nikola	2.800,00

Licitacija je započela najvećom ponuđenom cijenom ponuđača Ganibegović Muhameda u iznosu od 3.550,00KM. Ponuđač „Giba-trade“ d.o.o. je licitirao iznos od 3.656,50KM što je 3% u odnosu na najveću prvobitno ponuđenu cijenu. Ostali ponuđači nakon navedene ponuđene cijene nisu ni licitirali, a Komisija je ponuđenu cijenu „Giba-trade“ d.o.o. prihvatila i zatvorila licitaciju.

Komisija je u Izvještaju, broj: 403-1380/25MS od 31.01.2025.godine dala preporuku da se teretno vozilo Renault Clio bb furgon, proda ponuđaču „Giba-trade“ d.o.o. po cijeni od 3.656,50KM (bez PDV-a).

Shodno svemu naprijed navedenom, a uzimajući u obzir odredbe Pravilnika o postupku prodaje pokretnih stvari putem licitacije Javnog preduzeća „Vodovod i kanalizacija“ d.o.o. Zenica, direktor je odlučio kao u dispozitivu ove Odluke.



**DIREKTOR**

*Pašalić Emir*  
**Pašalić Emir, dipl.ing.građ.**

**DOSTAVLJENO:**

- 1 x Svim ponuđačima
- 1 x Direktor preduzeća
- 1 x Pom.dir. za ekonomske i pravne poslove
- 1 x Komsija za provođenje licitacije
- 1 x Služba za kadrovske i opšte poslove
- 1 x a/a